

19  
JO. DANIELIS HORSTII  
OBSERVATIONUM  
ANATOMICARUM  
Decas.

*Addita sunt*

PISTOLÆ, QVIBVS SINGVLARIA SCI-  
tu digna, Lactearum nempe Thoracicarum, & Va-  
forum Lymphaticorum natura, Embryonisq; per  
os nutritio, atque alia rariora exponuntur.



FRANCOFVRTI,  
Apud V Vilhelmum Serlinum & Georgium  
Fickwirthum.

---

ANNO M DC LVI.

TO THE HONORABLE SENATE OF THE TERRITORY OF ARIZONA

REPORT

OF THE

COMMISSIONER OF THE LAND OFFICE

FOR THE YEAR 1891

ALBUQUERQUE, N. M., 1892

PRINTED BY THE TERRITORY OF ARIZONA



TERRESTRIAL

AND MARINE

RESOURCES






# Observatio Anatomica

## I.

### *De Abscessu Cerebri.*

 Racturas in genere non tractabo jam, quod multorum aliàs fuit argumentum, & primi quidem quod sciam Medicorum Atavi, Hippocratis Divi. Galenus operæ duxit eam operam resumere, eamque etiam optime executus est, quem secuti deinde innumeri alii, ac novissime quidem post *Fabritium ab Aquapend.* Germanorum nostrorum Galenus, *Sennertus*, inquam, noster, Vir de Republica Asclepiadea quam optime optimorum Virorum decreto meritis. *Fracturam Cranii in specie* hac saltem vice delibabo, dum, sic exigente officio meo, certi cujusdam subjecti actionem instituire cogor.

Cranii inquam, cujus *varias fracturas* latius aliàs videre licet apud *Aelsum, Aeginetam, Gentilem, Arantium, Botallum, Langium, Tacetium, Vidium, Fallopium, Nic. Florentinum, P. Pavium, Am. Lusitanum, Paræum, Variolam, Spererium, Fab. Hildanum, I. And. de Cruce, Brassavolam, Nic. Maß. Rœcum, Nicol. Fontanum, Berengarium, Petrum nostrum, nostrumque veniorem p. m. Greg. Horstium*, atque primo limine citatos *Hippocratem, Galenum, Fabrit. & Sennertum*. Noster verò casus, cujus gratiâ hæc quæ a qualia instituuntur, talis est.

Michael Sneider Sarnaviensis, *rusticus cœlebs annorum 30. sanus & boni habitus*, ebrius à *compotatoribus ejusdem farine sociis* aliquot vulnera in occipite & vertice ad calvariam usq; accipit, postquam prius verberibus *ii- em Commilitones atrociter totum ipsius caput, nucham & sinistram axillam ceperissent*. Vulneratus primâ quidem vespërâ vulnera Chirurgo nostro *sortissimo Erico Braunio liganda commiserat*, sequentibus verò diebus ope *escio* quarum herbarum consolidantium, *spreto & vale dicto Chirurgo*



ad cicatricem ferè ea perduxerat, eum non à vulnere die febris & scotomia supervenit, & decimâ quartâ sinistri brachii ac cruris resolutio: quibus presentibus Chirurgum denuo in auxilium & consilium vocat. Chirurgus necessarius adhibitis nil proficiens die 21. rem ad me defert, quâ pensculatus examinatâ, & cum Collegis communicatâ, Trepanum adhibendum duxi. Divino igitur auxilio implorato, & cute die eâdem 21. per chiasmum sectâ, die seq. 22. Cranii perforationem, non obstante tum Plenilunio, modiolis & Alisq. presentibus & annuentibus Excell. Colleg. & Medic. D.D. Filemanno, D. Erico Dexbach, Chirurgo Brauno, & aliquot Medicinæ studiosis, institui, præmisso prius clystere, capitisque convenienti inunctione. Exsecto offe testucæ menynge incumbentes sublatae sunt, & membranæ ipsi meli rofaceum impositum est. Os verò tectum fuit linamentis siccis mollissimis, cum pulvere cephalico, totoq. curationis tempore tam quoad externa quam interna nil intermissum fuit, quod ipsa fractura Cranii aliàs requirit. Septimâ die lethargico sopore captus dextri oculi & oris occlusionem crebrasque vomitiones patiebatur; sequentibus verò melius habuit emanante per foramen pure foetido, pauxillo tamen, ac non à quidem pedè movere cepit, recurrente tamen 14. die sopore, emanantibus autem vomitibus, venis verò frontis arteriisque elatis ac turgentibus. Decimâ quintâ nulla nec ad pejus nec ad melius mutatio secuta. Decimâ verò sextâ & seqq. Scotomia major facta, accedentibus oculorū convulsionibus & distortionibus, adeò ut vigesima quartâ (quæ erat 14. Novembr.) horâ 4. pomerid sine tamen accessione aliorum symptomatum animam exhalavit. Sectione post mortem institutâ sanies inventa est purulenta in ipsa Cerebri substantia in dextra occipitis parte pelliculâ instar abscessus contenta, unciarum quatuor. Ipsum Cranium plurimis contusionibus contortum, Matris verò dura venulæ subfusco sanguine instar picis distenta, hæcque ipsa & pia menynx discolores, illaque à contusionibus læsa, erant. Saniei autem supra dictæ globulus alius purulentus vasculo carneo inclusus proximè adhærebat, ut mirum non sit quod mortuus fuerit, mirum tamen sit quod tam diu sine gravioribus symptomatibus delirio potissimum supervixerit.

De Tempore vero, quando sit aperiendum Cranium, quo morbi die, & sub qua cæli constitutione, non convenit inter authores. Cum Celso plurimi ultra quartum diem trepanum haut differendum putant; alii contra cum Mercato omnino differendum putant, quod sub initium mate-



ria non sit fluida, ac meninges p.n. sint inflatae nimis, uti alias in Plenilunio s.n. esse solent. Nos verò uti ex dictis patet die 22. adhibuimus trepanum, ac Lunam quidem turgidam. *Utilis est Astrologia Medico*, sed non necessaria semper; uti enim sub quovis cœli statu purgandum quandoque corpus venit, ita etiam vena sepius secunda, Cranium aperiendum, ferrum & ignis adhibenda sub quovis cœli statu, si scilicet *electitium tempus* non detur, si morbus non ferat moras. *Utilis inquam est Astrologia*. Astrorum enim in hæc inferiora magnus influxus quotidie observatur. Si verò ut dixi tempus *electitium* non detur, sub cane sæpè purgandum; in ipso plenilunio sæpè cranium aperiendum; hac tamen cautela, ut arte evitentur incommoda, quæ alias inde evenire docet ipse noster Hippocrates, quæque omnium optimè discere poteris ex Moussino. Nostrum igitur erit, potius instar *Guidonis Brocensis*, brumali tempore trium horarum spacio plantas instrumento Solis loco operante, producentis; obstantibus & maleficis sideribus, calori & frigori peccanti inde emananti, corporisque nostri adversitatibus & incommodis insequentibus obviam ire; quàm ægro remedia subtrahere ad benigniores remotos & distantes Planetarum aspectus, frigidiorum aut calidiorum aeris clementiam, Lunæque deliquium; præ quibus sæpe moriendum esset ipsi ægro.

De ipso autem Trepano non tantum dubitant multi, *an tuto adhibeatur*, sed & sunt qui omninò id rejiciant, dum statuunt, *quamvis Cranii fracturam sine trepano, sine cranii apertione curari posse*. Non diffiteor absque Cranii perforatione multas fracturas Cranii præsertim hyberno tempore & apud nos Germanos, quibus non ita lethales ut Neapolitanis, Bononiensibus & Florentinis accidunt, curari posse; uti etiam non ita pridem Consultissimus quidam Vir, Amicus noster Honoratissimus solâ enematum, Venarum sectionum &c. adhibitione, ita suadente mecum Dn. Collegâ D. Tilemanno, feliciter hic curatus est; Imò si ita in initio statim tractatus fuisset noster demortuus vulneratus, & illius accidentia Deo Volente annon præcaveri potuissent? Multas autem Cranii fracturas absque perforatione curari sæpe posse, notanter dixi, non omnes, nec semper; uti alias statuunt antiqui Hebraei, & Vgo Lucanus, atque Theodoricus alique; quorum alii internis vulnerariis potionibus id fieri posse profitentur, alii verò extrinseca medicamenta commendant, spreto & rejecto



*trepans.* At *sapè* in Cranii fracturis non potest removeri materia exiccanda (loquor verbis Galeni) nisi apertio fiat ob defectum scil. ligaturarum: præsertim si *ῥωγμὴ* accidat internæ laminæ salvâ manente externâ quâ de V. Fallop. lib. Hipp. vuln. c. 13. aut *ἔμφω*; quamobrem tunc Chirurgus (Avenzoaris) adhibendus, ossique (Avicennæ) particula circa fissuras eximenda, ut virus (Averrois) egrediatur per viam liberam osse scil. amoto. Multæ gitor fracturæ cranii curari possunt & *sapè* sine apertione; si simplex *φλάσις* contingat, si *ῥωγμὴ* tanta sit ut materia exire possit. Sed non omnes, ut notavi jam antea, nec *semper*, quemadmodum ante quinquennium Doctor quidam Iuris apud nos nullis medicamentis externis aut internis menti & sanitati restitui potuit, qui tamen *trepans* adhibito salvus evasit: uti etiam Nobilem ante sexennium Gissæ feliciter à me & Greilachio curatum recordor.

Quando verò adhibendum *trepans*? quando rejiciendum? Si certò constet cranium non depressum nec ita fractum esse, ut cerebrum inde lœdatur, sique saniei tam exigua quantitas sit, tantumque naturæ robur, ut medicamentis absorberi & dissipari facile possit, & contrariis certa symptomata desint, *trepans* non opus est. Sæpe enim à contusione cranium ipsum non lœditur, sed nervus (quem casum proponit Hippoc. 58. aphor. 5.) aut vena, è qua effusus sanguis in ipsa cerebri substantia putrescit sæpè & mortem infert, uti nostro agro accidit, & Herculi de Marschottis apud Ber. Aliquando evenit (inquit Celsus) ut os quidem totum integrum maneat, intus verò ex ictu aliqua vena rupta aliquid sanguinis mittat, qui concoctus dolores infert oculosque obcæcat. Quo in casu summè conducit Phlebotomia & clysterum ulus, uti quàm optimè scribit & describit Rases ex Galenò, lib. I Contin. Præmissò autem clystere secundum Haly l. 5. theor. cap. 10. phlebotomia primâ hora fiat, inculcante Paulo, ac ex cephalica quidem docente Avicenna cap. de cura sodæ.

Quemadmodum enim clysteres attrahunt materiam (loquor verbis Serapionis) ad partem contrariam parti egritudinis, ita & phlebotomia causam apostematum (Avicennæ) abscindit, quæ aliàs sæpius (Dini) ex fluxu sanguinis oriri solent. Sæpè etiam interna purgantia exhibentur, si temperamentum phlegmaticum sit & frigidum, corpusque robustum sine febris. Quo ad localia commendatur emplastrum Andromachi, M. Anselmi de Ianua, Unguentum de Matrifyla Argelati, de Centaureo Guidonis, de  
beto-



*betonica* Henrici Bertapaliæ gratia Dei dictum, *Emplastrum Conciliatoris*, Berengarii. Variæ item *aqua vitæ* usurpantur, de quibus consule citatos authores. *Potiones* autem *vulnerarias* commendat allegatus *Theodericus l. 2. chir. c. 3.*

Si verò id non certò constet, & *accedant accidentia mala* incisio instituenda. Cum etiam fracto Cranio facilè festucæ & frustula membranas lædant, ac in ipso fissuræ loco enata humiditas in saniem abeat & ad membranas destillet, unde communiter interire solent, qui à capitis vulnerib. moriuntur; maturè cranium aperiendum, ut *sanies* exire possit, ut *festuca* &c. *rese. n.* removeantur, quarum præsentia febris, vertigo tenebricosa, scotomia, dolores acuti, vomitiones, sopor, torpor, paralysis, delirium & epilepsia; nunc *conjunctim* nunc *sigillatim*, pro alia atque alia vulneris, subjecti, loci & aëris constitutione, indicare solent. Febris si accidat post 7. eo scil. tempore quo terminari debebat, concurrentibus simul iis quibus *noster* vexabatur, *putredinis* in Cerebro, *menyngibus* aut Cranio certum fit indicium vel *Hippocratis* decreto, ob quam etiam potissimum & nos apertionem moliti sumus.

Idem autem ferè nobis evenit in nostro ægro, quod *Glandorpio* in Bremensi pugili, alio tamen ac diverso successu. Cum pugili illi graviter in capite vulnerato tertia die gravia symptomata supervenirent, & *Glandorpius* suspicaretur materiam intra cranium collectam esse, cranium aperuit. Cum verò nihil efflueret per foramen, *duram* quoque *menyngem* (de hujus vulneribus lege lo. *Andr. à Cruse, Matthiolum & Paræum*) in tumorem elatam scalpello incurvato aperuit, quæ saniei intra duram & p. am matrem contentæ maximam copiam emisit, quâ ipsâ hoc modo evacuatâ & adhibebitis simul necessariis aliis æger sanitatem pristinam recuperavit. Ita etiam in nostro ægro exigua portio saniei per foramen exivit, ut non potuerimus non existimare, intra tunicam aut ipsam Cerebri substantiam anguem latitare.

Ipsa quidem apertio in decliviori parte, uti par est, lateris dextri, juxta futuram lambdoidem facta est. In decliviori inquam, non in inferiori, cui loco os subtrahere maximum periculum pronunciat *Niculus*. *Berengarius* vero contrarium aliquoties se vidisse probat, *Principis*, & *Pauli Ungari* exemplo. Nec etiam magnum foramen factum est, uti alias in vertice fieri solet, adhibitaque sunt, tum interna tum externa medica-

men-



menta præstantissima, diæta simul convenientissima accuratè observatâ.

Maximâ autem admiratione dignum est, quod *omnis delirij species* expers fuerit, & quod *tam longissimum tempus* vitæ natura dederit 46. scil. dies? An quod substantia saltem læsa fuerit non spiritus, non ipsi nervi? Et quod ægri quandoque al quot menses supervivant etiam ipsis menyngibus læsis? testante P. Paw lib. Hipp. de vulner. etiam sine delirio referente Vallesio com. in l. 5. Epidem.

Antiqui non credebant Cerebrum inflammari posse; at hic casus eos refutat; refutat etiam Galenus 2. de caus. sympt. c. ult. Paulus l. 3. Avicenna 3. l. Petrus Salius Diverfus c. 1. de aff. part. & alij Doctores quorum tamen pler que delirium adfuisse testantur.

Sed nec in membranarum, nec in ipsius Cerebri inflammatione semper adest delirium. Illud olim probavit Nerei filia (Hippocr. 5. epid. 47.) ut & æger in Dealcis horto decumbens (l. 3. s. 1. agrot. 3.) Quod vero ipsius Cerebri inflammationem spectat, ea quandoque non delirium, sed sensuum obliterationem tremulas, obscuras & detrectabiles desipientias, ex 1. Prorrh. 33. periculosiores tumultuariis, infert, si scil. non ipsi nervi, nec ipsi spiritus consequenter afficiantur.

Id verò maxime mirum est quod amicus noster refert Excell. Fontanus, se vidisse puerum in quo cerebrum deletum fuerit, respons. & Curat. medic. l. 1. p. 16. qui aliquomodo rationis manserit particeps. Epit. Vesal. annot. p. 28. & 29. cum tamen aliqui quorum leviter est læsum Cerebrum delirent graviter, uti ipse expertus in puero duodecenni, pag. 3. Analect.

Illorum (ita absentiam delirii in puero cerebro destituto excusat Amicus) postquam ad ætatem proveci sunt, vitiata organa refici non possunt, nec aliud quidpiam commodè effici, quod læsi organi munere fungatur. Hic verò cui statim ab initio ortus, vel ante, ab infusa anima vitiatum est organum, potuit naturali vi in tam flexibili mollique materia aliud insolitum organum efficere, quod supplere valet defectum organi vel læsi vel absentis. Hoc fuit ut testabuntur præsentis Medici membrana illa duplo crassior ordinariis, quæ sensibus subministrabat spiritus vitales, & animæ etiam rationali suas instrumentali-ter subiciebat intelligibiles species.

Ast hoc non solvit nostrum dubium, non inquam satisfacit Hipp. aphor.



*aphor. 50. §. 7.* Imò non ausim dicere puerum illum cerebro caruisse. Etsi enim non habuerit massam aliquam albam instar intestinorum convolutam, habuit tamen membranam duplo crassiorem cerebri loco positam, quæ vulnerata vel siderata facile delirium peperisset, & mortem ipsam accelerasset.

Ut dixi, *non semper læsum cerebrum sequitur delirium, nec semper ipsa mors necessario tertio scilicet die: nisi cerebrum syderatum sit.* Syderatum autem est me iudice, si ita læsum aut vulneratum & inflammatum est, ut spirituum animalium tam fixorum quam mobilium constitutio præternaturalis fiat; ut illi ipsi spiritus tum fixi, tum mobiles non sint temperati, tenues, puri, lucidi & ordinati, nec certo quodam ac regulari modo moveantur. Et hæc dicta de hoc casu sunt.

---

## Observatio Anatomica

### II.

Cum in vicino oppido Reinheimb opulenti civis Philippi Reimichii uxor, concivis egeni Pleneri conjugem ultimo mense gravidam, non tantum diris jurgiis prosequeretur, sed & dextræ parti capitis, ipso tum ardente Syrio, colaphum impingeret, editus paulo post infans in ea ipsa, qua mater concussa erat parte continui solutionem passus est, uti notarunt præter obstetricem adstantes, & Pastor baptismi gratià vocatus.

Re itaque per Pastorem loci, Virum quæ vitam, quæ eruditionem Præstantissimum, ad me delatâ, misertus pauperculæ ocyus illuc concessi, atque deprehendi continui solutionem ad ipsum cerebrum penetrare, portionemque ipsius cranii fractam, jam putredinem concepisse. Licet autem externa & interna roborantia fuerint nocturna diurna que manu exhibita, putrida etiam portio cranii excæta, multa que foetida purulenta materia excreta, brevi tamen infans demortuus sequentia notanda dedit. Venulæ fuerunt turgidæ, ventriculi cerebri aqua repleti, cerebri substantia flaccida. Inter cerebrum & meningem aderat collectio materiæ purulentæ & foetidæ. Cætera naturæ ordine habentia & naturalia.



Quærebatur à Magistratu an Reimichii uxor alteram verberans fuerit causa hujus mali? Ego quod sic, cum à minis partium conformatio non solum vitari possit in foetu teste Gemma Colmocr. l. 1. c. 6. qui narrat infanti eadem calvaria parte, cui in Matre acies minitabatur, magnam continuitatis divortium apparuisse: sed & multo magis à plagis ipsis teste Genitore, qui narrat l. 1. p. 2. obs. 34. embryoni ob matrem in ventre graviter offensam epar extra umbilicum procidisse. Cum facilè imaginationi sit formationem mutare etiam in ultimis gestationis mensibus, teste Sennerto pag. 321. l. 4. part. 2. s. 4. c. 7.

Quomodo vero hoc fiat, id citatus Sennertus, Parensque noster *de causa similit. & dissimil. in foetu* exponunt, qui consulendi, ut & Zacutus lib. 3. histor. Princip. Non autem tantum in Microcosmo videmus plasticam sæpè lædi & defectu atque excessu quandoque peccare, sed & Macrocosmum eidem juri subiectum non rarò notamus. Ita pluviae quandoque cruentæ destillant. Ita in succino sæpe varia animalcula & alia apparent, formæ muscarum, culicum, aranearum, papilionum, ranarum, lacertorum, straminis: uti testantur qui in Borussia ad littora Insulæ Sudaviæ id colligunt. Multi quidem putant succino adhuc liquido illa animalcula involvi & insinuari. Sed alii, cum omnia pellucida sint, id negant, docentes, quod ex sola Cœli imaginatione imprimatur tale quid subiecto succino, uti in Microcosmo sæpè varia vis plastica foetui inducit. In Comitatu Mansfeldensi minerae eruuntur, quæ pisces, dentes, cornua, animalia & alia exprimant. Juxta sylvam Semanam ad radicem Arcis Brunsvicensis Scharfeld vidi erui ossa, dentes, mandibulas varias, Ursarum, Leonum, hominum & aliorum animantium æmulas. Varia talia fossilia possideo in Musæo meo, & inter alia cranium futuris apprime distinctum. Sennertus allegat similia Eilingrodæ inveniri. Est Clarissimo Dn. Conerdingio, Archiatro Brunsvicensi Excellentissimo, spina dorsi, in saxo reperta, affabrè vertebris & spinosis processibus instructa, admiratione longè dignissima. Id vero magis mirum, quod Bolducius p. 715. narrat, bufonem in medio saxi dum secaretur inventum apud Augustodunum, & in Latio Martino V. Pontific. serpentem in media petra dum scinderetur reperi. esse. Ita vis plastica non raro aberrat & ludit in Macrocosmo, uti in homine & brutis se admirandam sæpe præbet, maximè exemplo La-  
zari



zari illius Genuensis, cujus ex ventre pendulum erat corpus nominis Johannis, quale exemplum olim Lycosthenes vidit Basileæ. In Sabaudia quoque 1519. natus est alius infans ex cujus ventre etiam corpus pendeat cum pedibus, sine tamen capite & brachio. Leporem Ulmæ captum recorder duplicatum quasi, octo pedibus instructum, ac si par leporum dorsis esset conglutinatum. Act. de his pluribus in Physf.

## Observatio Anatomica III.

**I**N Anatomia Serenissimi Principis Apoplectici, J. H. L. cui præfuit D. Bunccius, 4. Aprilis 1652. observata sunt sequentia. Cutis per universum corpus ab humoribus serosis distenta. Epidermis separatu facilis, vesicis multis prægnans & turgida. Musculi lividi & nigricantes. Abdomen totum flatibus tumidum. Ventriculus laxatus extenuatus & extensus in tantum, ut nullum extiterit fibrarum vestigium, tunicarumve discrimen. Orificium superius flaccidum plane, ob quas causas tantam nauseam & vomitus Augustus Heros passus est. Epar coloris plumbei, totumque ichorosum. Vesicula bilis grandior unciiis duabus bilis referta. Lien atro carbone nigrior, & durus plus justo. Cor minus, atque coloris fusci. Arteria venosa & Aorta nigro humore (qualem Princeps in lingua & faucibus per aliquot tempus magna cum difficultate habuerat) repleta. Pulmones flaccidi & purulenti. Cerebrum magnum & grande sero & pituita plusquam refertum maxime in ventriculis.

De nigra illa materia atramento non absimili sutorio, quæritur unde oriunda? Ego lienis fœces judico, à quibus non raro vomitus atros expertus sum.



## Observatio Anatomica

### IV.

**A** Natomia Illustrissimæ Catharinæ Elisabethæ, N. D. Principis Puellæ, XXVI. Mensium, Junii XVII. die, Anni 1641. defunctæ, sequens fuit. Ventriculus & intestina mucos & vermibus scatebant. Epar magnum & floridum unius lib: æ. Splen benè habebat. Renes naturales grandiores tamen, unciarum nempe quatuor. Pulmo cavernulis penitus quasi cavatus. Cor nigro sanguine repletum, Cerebrum autem copiosissimo sero. Circa os ethmoides vero aderant vermiculi & mucus. Patet hinc falli Sebastianum Scarabricium in hist. Ignis febr. pag. 511. dum in viventibus negat vermes generari posse nisi in intestinis solis. E naribus prodeuntes viderunt inter alios Benivenius & Cruccius, ex oculis Amatus, ex auribus Schenkus, in capite Bartholinus. Confer si placet Manud. ad Med.

## Observatio Anatomica

### V.

**A** Nno 1644. Decembr. die XX. Nobilissima Matrona quinto mense gravida, post fluxum triduanum uteri cruentum, abortum patitur, atque foetum rejicit masculum, quoad omnes partes perfectum quidem, quantitate tamen deplumatum turdum vix æquantem, exicuumq; & aridum. Vasa umbilicalia erant instar filorum communium usualium, collo circumvoluta & quasi alligata; non tamen brevia, uti duplici exemplo exponit Hildanus: nec disrupta, uti alias Bauhinus notavit. In dissectione notabantur partes singulæ discretæ, hepar albicans & exnecum, cor pallidum, vasa umbilicalia sicca. Sub noctem secundina prodit putrida & fatida. Causam hujus abortus retulerim ego in exilitatem & tenuitatem vasorum umbilicalium cum Sennerto



pag. 404. l. 4. part. 2. sect. 6. cap. 2. de Abort. ubi similem propemodum narrat historiam. Quænam autem causa (inquit) vitii hujus vasorum umbilicalium fuerit, invenire difficile est. An debilitas uteri post primum partum laboriosum contracta in causa fuerit, ut semina non rectè misceri, & ignobiliores partes & inter eas vasa umbilicalia, non rectè conformari potuerint, sed exilia tenuia atque infirma remanserint, quæ postea accedentibus vomitibus enormibus quibus prægnans semper insigniter infestata fuit, facile abrumpi potuerint: An vero quia semen virile quidem, idque satis potens adfuit, & ex eo partes spermaticæ nobiliores formatae sunt, foemineum vero semen, ex quo imprimis, aut certè ex eo præcipuè cum masculino mixto, ignobiliores partes, ligamenta & vasa etiam umbilicalia formantur, ob callum vasi ejaculatorio fundi uteri inserto, ob partum laboriosum defuerit, vel paucum adfuerit: atque ita ob feminis foeminini defectum vel paucitatem, vasa umbilicalia perfici non potuerint & tenuia & exilia remanserint, penes lectorem sit judicium.

Hæc non incommodè quadrant in nostrum quoque casum. Abortum enim nostrum partus quoque difficilis præcesserat, quo filius in lucem edebatur (adhuc superstes LUDOVICUS) tam exilis & debilis, ut de ipso actum arbitrarentur adstantes, clysteribus inter alia maxime refocillatus.

## Observatio Anatomica

### VI.

**C**ORpus defuncti Generosissimi Militiæ Ducis Generalis, Jacobi Ramsayi, Scoti, ante annos XVI. 19. Junii à me apertum sequentia notanda dedit. In musculis observabantur *ἑλκυσματὰ* & Ecchymomata tot & tanta, ut majores musculi plerique putridi fuerint, maxime oblique ascendentes & transversi in sinistro latere. Peritonæum in eodem latere nigricans & putridum conspici batur. Vasa Mesenterica crassâ materiâ biliosâ turgebant. Ventriculus cum intestinis modicum aquæ continebat. Hepatis verò color quoad concavam par-



tem nigricans & cinereus, quoad externam flavescens: substantia autem schirrhosa erat. Renum loco portionem pinguem quasi; Lienis vero loco ovi gallinacei quantitate nigrum fructum, sanguinis coagulati facie, inveniebamus. Cavitas circa vesicam abdominis aqua repleta erat, ut & scrotum circa sinistrum testiculum potissimum dextro longè minorem. Vasa testiculorum varicum modo consistebant. Dextri testiculi substantia spongiosa & putrida, tunicaque adnata erat in dextra Scroti parte caro adiposa. Pulmones copiosè pus dabant. In cerebro nil poteramus p.n. aut notabile notare, præterquàm magnitudinem ingentem omnino. Omnes vero venæ destitutæ ferè erant sanguine, refertæ seio.

*Verba hæc  
sunt Cla-  
riß. Franc.  
Sylvii, Me-  
dici Excell.  
qui primus  
Vulnerato  
adsuit.*

Occasio Morbi & Mortis talis fuit. Accepit Nobilissimus Ramæus XIII. Februar. 1638. (inclinato parum antrorsum corpore) in sinistra natis partem superiorem & externam introrsum & deorsum leviter tendens vulnus ex quo statim concidit, cum insistendi illi cruri impotentia, necdum remittente. Effluxit ex hoc vulnere & quidem statim in principio, satis copiosè sanguis: nullo notabili ex ulatione (quæ utpote levis admodum 5. die remisit) labiorum vulneris adjacentiumve partium tumore aut inflammatione suborta, sed generato paulo post laudabili, licet paucopure: unde confestim ad cicatricem properavit vulnus, quod 25. Martii planè occlusum quamvis etiam numlividum sit, & doloris particeps.

Primis diebus obortus est, adhuc durans, etiam auctus, circa lumborum inferiorem & sacri, imo totius lumbi ossis sinistri regionem dolor vehemens, per intervalla maximè ad aëris mutationem, nunc remissior, nunc intensior, cum tensione & sursum per totum spinæ dorsum ductum ad cervicem, deorsum vero ad extremos articulos usque tractione convulsiva, eaque valdè molesta, ad oleorum tamen nephriticorum inunctionem aliquo modo emendata, licet sæpius recurrente.

Huic comes factus est sinistri cruris dimidiam & externam partem infestans, & contactum pati nescius, atque cum stupore aliquo formicans dolor ad articulorum extremitatem protensus.

Die Martii XII. obortus est circa sinistrum pedum & in metapedio, in parte exteriori maxime tumor expansus, cum dolore mediocri  
ad



ad contactum tamen ingravescente, qui applicatis à Chirurgo ad utrumque malleolum vesicatoriis & effusa aqua citrina, intra triduum subsedit & evanuit; relicto ad hoc tempus ibidem dolore.

His accessit circa Martii diem XXII. sinistri testiculi cum tumore & summo dolore inflammatio, quæ tamen nunc magnam partem sublata, remanente solum levi duritie, rubore & dolore.

Circa idem tempus emisit urinam albicantem cum simili sedimento, eoque crasso, tenaci & paucio.

Percipit præterea, ad internam sinistri femoris inflexionem, prope illum locum quo fertur in Scrotum spermaticis vasis dicata peritonæi productio, dolorem satis molestum: nullo adhuc, nec hic nec alibi apparente tactui, multo minus visui tumore aut stabili saltem rubore.

Quibus tandem adde miram quandam, quamque exprimere nequit, in abdomine temporibus incertis divexantem molestiam, & talem quidem, quæ nec proprium ferat contactum.

Re itaque deliberatâ cum Excell. Dn. D. Faufio, Elector. Palat. moderno Archiatro Meritissimo, licet dictus Nob. Dn. Sylvius, & post eum Cl. D. Georgius Moltherus non intermiserint omnem lapidem movere pro salute recuperanda: tumor vero in scroto indies augeretur, atque ecchymata insuper partes non tantum externas, sed & fauces, linguam & palatum occuparent, doloresque dorfi magis magisque urgerent, meum quoque consilium expetiit.

Vocatus deprehendo Herniam, non ventosam ob defectum flatuum: nec simplicem aquosam, quia scrotum nec lucidum, nec aqua turgidum: nec carnosam simplicem ob dolorem: nec simplicem varicosam ob nimium tumorem: sed herniam ex aquosa, carnosâ & varicosa conflata. Aquosam quidem inculcat tumor instar ovi oblongus cum testiculi occultatione quoad tactum & visum.

Accedit & hoc quod sinistro lateri aquosæ herniæ valdè sint familiares, quod nempe vena spermatica sinistra oriatur ab emulgente. Carnosæ vulnus ad sinistræ natis partem superiorem vergens ansam dare potuit & causam. Generatur enim hæc hernia ex sanguine testes & scrotum obruente ibique in molem carneam mutato: cui affluxui vulnus potuit, ut dixi, ansam dare, ut non solum in principio statim Testiculi sinistri inflammatio sed & dolor secutus fuerit. Suppetias fert sanguis



guis adustus melancholicus à vitio lienis oriundus: Renisque finistri debilitas. Varicosam monstrat dolor, qui exacerbat in distensione vasorum spermaticorum, unde erectionem penis cruciatus intensissimi comitantur.

Præter Herniam hanc noto quoque Ecchymomata supra jam tacta, ad quorum aspectum memoriam meam non poteram non excitare ad illa, quæ Parens meus exhibet part. II. observ. l. 4. obs. X. Ast verebar non critica esse in Ramsæo, uti fuerunt in puello epileptico & sexagenario Arthritico. Suspicabar à debilitate viscerum sanguinem adustum ex venis per subsultum quasi effundi in musculos.

Suasor fui ut I. materia adusta Tartarea in hypochondriis incuneata præpararetur & evacuaretur, ut II. renes & sinister maxime ab heterogeneis, viscidisq; puri non absimilibus humoribus excrementitiis liberaretur, ut III. viscera singula concoctionis firmarentur, atque IV. herniæ quoque & V. ecchymomatis prospiceretur.

Præter ulla autem quibus hætenus usus quoad I. suasi per ostidium usum Mellicrati A. cum laxativa potione coronidis loco lumen- da, B. & post hæc mane pulvisculi C. portionem, cum aqua D. Quoad II. scopum pilulas de Terebinth. E. cum syrupo F. non neglecto Unguento G. & Emplastro H. Quoad III. Electuarium I. Quoad IV. fomentum K. Cataplasma L. & Linimentum M. cum Cerato N. Quoad V. intermedios sudores. Diætam imperavi convenientem & debitam.

Ast omnia in cassum. Captivitatis diuturnæ plusquam satur ira & inedia voluntaria omnem mihi spem abscindens seq. Mense moritur.

Ecchymomata autem illa à causa interna non sunt valde familiaria, uti nota sunt quæ à causis externis, contusione aut casu fiunt. Nero Imperator in sui imperii exordio ob hæc Thapsiam magni fecisse perhibetur. Illi quidem, dum noctu incederet incognitus & in multos impetus faceret, non semel facies sugillata cutisque livida facta fuit. Confestim ex Thapsia, thure & cera facto linimento à fœda sugillatione liberatus faciem populo ostendens facinus occultabat. Ecchymomata, transfusiones; melasmata denigrationes Schirrhis affines putat Galenus. Fiunt enim illi affectus sanguine ex ipsis venis effuso, nunc tunicis earum contusis, nunc ipsarum finibus referatis. Hinc in Ramsæi venis fere nullus sanguis fuit repertus, nuda aqua & serum.

Obser-



## Observatio Anatomica VII.

**I**N Anatomia Christophori Richteri, cui Mense Aprili Anno 1637. præsentem paulo ante nominato, & nunquam non sine honore nominando D.D. Georgio Molthero, & Chirurgo Jo. Henrico Greilachio, aliisque præfui; notavi sequentia. Omentum & Mesenterium penitus fere erant absumpta & corrupta. Lienis quoque exigua portio aderat, nigra, sanguinis congelati instar. Hepar verò insolite magnitudinis conspiciebatur, coloris tamē ex parte plumbei & in sinistra parte nigricantis; atque insuper assatum & torrefactum quasi. Vesicula bilis continebat nigricantem materiam grumosam atque aliquot lapillos lentium quantitate. In abdomine collectam videbamus aquam citrinam; In Pectore vero purulentam, adeo copiosam, ut pulmonum corruptorum & exulceratorum residuæ particule in pure quasi natarent. Venæ phrenicæ pure instructæ. Cor flaccidum erat. Pericardium autem drachmas tres continebat aquæ solitæ. De lapillis in vesicula bilis repertis egi in Manus. Cum pronuper aliquot ab obitu horis cadaver Innocentii X. Pontificis Romani exenteraretur, ut pro more balsamo & aromatibus condiretur, in vesicula fellis duo calculi juglandis magnitudine reperti sunt. Viscera ipsa in aqua natabant, pulmo nigris maculis distinctus, jecur vitiatum, alter renum semiuustus, Cerebrumque multa aqua repletum. De puris purgatione Nellanus Clacanus in Cursu medic. pag. 785. Harvejanam sanguinis circulationem contemnit. Sed tam certum est hoc inventum, ut nullam merentur negantes replicam.

## Observatio Anatomica VIII.

**C**UM Nobilis Matrona W. à T. nata S. de S. ob hæcticam ab ulcere pulmonum, lienisque scirrho oriundam, anno ætatis 38. moreretur,

(C)

atque



atq; cadaveris Anatomen à me peteret Consanguinei, inter secandum præter alia notatu digna in Corde reperi ossiculum, de quo olim Pergamenus Doctor cap. 19. lib. 6. de U. P. p. 583. & c. 10. lib. 7. de An. Adm. pag. 358.

Ipsa defuncta 4. liberorum mater, siccioris fuit constitutionis & calidæ, animi pacati, corporis habitus macilenti, crebris capitis destillationibus obnoxia, alimenti calidioris amica, atque non semel febribus tentata. Ante tria lustra Dei ope à petechiis liberata, hypochondriacas molestias & lienis tensiones non raro postea, & annuatim quasi circa solstitia maximè & Æquinoctia passa est. Suppetias his tulit spuria penultimæ costæ in dextro latere à casu ante biennium in Autumno facta, læsio, succedensque tussis vehemens cum catarrhis prolixis, pulmonumque calida intemperie, quæ mala tamen, cum obviam ivissem appropriatis, remiserunt ad tempus, donec Thermis Wisbadensibus me non suadente adhibitis, catarrhi, tussis, anorexia & hypochondriorum tensiones reverterentur, hecticaque superveniens finem vitæ cum fine anni elapsi imponeret.

Pectus incisum aqua repletum inveni, pulmonesque in sinistro latere fere absumptos. Dextra eorum portio superstes purulenta conspiciebatur. Cor nimia quantitate excedebat, ut tam magnum adstantes summè admirarentur, atque hoc exemplo verum deprehenderetur, Cor magnum esse placidis & timidioribus, uti fortibus & magnanimis, Gloriosissimi Suecorum Regis, aliorumque Heroum exemplo parvum & minus. In Pericardio erant uncia quinque aquæ, ad cujus aspectum memoriam meam non poteram non excitare ad Simiam Galeni pag. 112. l. 5. de loc. affect. atque ad illam, quam phthisi mortuam Marpurgi ante annos sedecem dissecuri. In phthisicis scilicet magna copia aquæ hic se colligit, cum tamen in statu naturali vix drachinam unam aut alteram continere soleat Pericardium. Eximius Bartholinus in hecticis exiguam credit. Contra P. Vascus Castellus nostram observationem confirmans, hanc aquam per æstum febris hectica sæpè in tantum adaugeri scribit, ut eâ distentum pericardium totam cavitatem occupet, forsan ob bonorum corporis humorum atque adipis cordis consumptionem, quâ de re musteam vide disserta-  
tionem



tionem Sneideri, Professoris Wittebergensis eximii. Ita quoque J.C. Claudinus parcius in sanis, copiosius in ægris illam aquam colligi colligit p. 235. Adipe Cor pœnè erat destitutum, quod ob calorem p. n. nec colligi nec coire ibi poterat, ut olim jam monuit Pergam. p. 56. l. 2. de temp.

Quoad venam cavam, venam arteriosam, aortam, & arteriam venosam, ante Cordis dissectionem nihil notatu dignum occurrebat. Decenter quoque habebant nervuli, vasa coronaria, & lymphatica, à frequenti potu adhuc, serique copia ex parte conspicua. Sinistra auricula major apparebat dextra.

Inciso corde omnibusque particulis ejus examinatis, deprehendimus valvularum semilunarium circumferentiam osseam, quam pro ossiculo extraximus. In sinistro ventriculo papillæ carneæ tres eminebant. Septum foveis videbatur instructum, sed non perviis, ut ut sedulus inquisiverim.

Lien erat scyrrhosis, appendice ovum columbinum æquante instructus; hepar è contra magnum & floridum. Ventriculus & Intestina omni ferè humore destituebantur, mesenterium vero atro succo refertum erat. In renibus vesica & utero nil notatu dignum aut singulare observatum est, uti nec in Cerebro.

Ossiculum Cordis, ut pauca hac de re proferam, negat *Plempius* partem esse arteriæ aortæ ossifactæ, cum in ipsa substantia Cordis observetur, quandoque unum, quandoque duo, quandoque etiam rudimentum tertii, ut ita firmitus aorta nectatur ad Cor. In senioribus hominibus observari dicto loco duriusculam substantiam & veluti neurochondroden. *Rolfinccius* videtur innuere, valvularum semilunarium circumferentiam cartilagineam & osseam reddi, qualem vidit in vetula sexagenaria; & aliis senibus circa radicem aortæ. In Urbani VIII. Pontif. Rom. sinistro Cordis ventriculo ossiculum invenit *Trullus*. Audiamus *Galenum* lib. 7. Adm. Anat. cap. 10. pag. 354. Quæ ut retuli, inquit, melius corde animali exempto inspiciuntur, ac magis in animali grandiore. Omnibus similiter enim insunt, cum nulla ob magnitudinem in illis sit differentia, sicut *Aristoteles* autumat: sed clarior in magnis cordibus est speculatio: quoniam & ipsius os quod magnis inesse animalibus autumat,



atque his non omnibus, etiam a iis omnibus natura concessit, hanc tamen os universis exactum, tamen cartilaginem. Sic enim in totum res se habet, in cunctis animantibus, & membranae quas trifurcas diximus appellari, & arterialium vasorum radix substantiae durae omnino appensa est, sed non in omnibus aequae durae, quoniam in minutis leviter cartilaginosa est, in grandioribus exacta cartilago, in valde grandibus cartilago ossea: & quanto animantis genus corporis mole vastius fuerit, tanto plus osseae substantiae cartilago sortita est. Et in maximis, ubi plus osseae substantiae gignitur, convenit ipsam tunc appellare non cartilaginem osseam, sed os cartilagineum. Quod enim in minutis animalibus producit, non cartilaginis adhuc exactae naturam, sed corporis ex nervo & cartilagine conflati repraesentat. Nullum vero miraculum est in minutis ipsum animantibus confectionum rudes penitus ignorare, cum & in grandioribus frequenter ipsos lateat. At quid dico in grandioribus? Nuper Elephantum maximo Romae jugulato plerique Medici ad ipsius dissectionem venerant discendi gratiam, duosne cor haberet vertices an unum, & ventriculosne duos, vel tres. Ego autem ante confectionem asserbam, eandem cordis structuram cum aliis omnibus animalium ex aëre respirantium inventum iri, quae etiam ipso diviso apparuerunt. Idem os ipsius sine negotio reperi, una cum familiaribus digitos admolitus.

At in exercitati sperantes, id quod in aliis animantibus non apparet, ita in magno se inventuros, ne elephantum quidem Cor os habere putabant, ego autem ostensurus ipsis eram nisi familiares risisset, quod attonitos illos ac sensus expertos propter loci ignorantiam conspicerent: & cum adhortarentur, ne indicarem subitici: Corde vero à Cælaris coquis exempto, misi aliquem ex familiaribus in huiusmodi exercitatis, rogatum coquos, ut os ipsius eximi sinerent: atque sic factum est. Servatur idem apud nos etiam hodie, eximiae adeo magnitudinis, ut ab iis qui intuentur, nullo modo credi queat, tantum os Medicos latuisse. Ita sane in exercitati multa ignorant. In magnis, scribit idem Galenus lib. 6. de U. P. cap. 19. pag. 583. animalibus os cartilagineum: in parvis vero admodum



νευροχονδρις τι σωμα, hoc est, corpus quoddam ex nervo & cartilagine conflatum, inest, Omne igitur Cor duram quandam eo modo habet substantiam, earundem utilitatum gratiâ, in omnibus animalibus institutam: Quod autem Cor majus ejusmodi substantia duriore eguerit, minimè mirum id videri debet. Nam quod durissimum est tum ad ligamentorum principia tutius colliganda, tum ad totius Cordis firmitatem in corde magno est aptius. Hæc Galenus. Nos nuper in Ursæ majoris corde officulum quoque invenimus, uti quoque Leo non ita pridè Dresdæ mortuus & dissectus elegans exhibuit. Penes Pharmacopolas, ait Plempius, officula de Corde Cervi adservantur in usus Medicos: quorum pleraque puto esse ossa hyocidæa: sunt enim illis hæc non dissimilia in figura: & fortassis etiam in facultatibus. At revera dissimilia sunt quo ad figuram. An facultatibus similia sint equidem nescio.

Officula de Corde Cervi in gravissimis morbis debellandis mihi præstant certum auxilium, in febr. v. gr. pleurisi & difficultate partus, atque aliis. Non tamen fido, nisi à fidi traditis, vix fido iis, quæ passim prostant, cum non credam tot in orbe occisos esse Cervos per lustrum, quot officula quotannis Materialistæ soli Francofurtenses accipiunt.

Quoad vasa lymphatica, quorum supra feci mentionem, notandum illorum esse negari non posse, an verò diversa sint à lacteis Asellii, & an liquorem deferant ad Cor pro sanguine diluendo, meritò dubitari posse, quod lactææ hepaticæ diverso tempore diversum quoque imbibant humorem, & non raro quoque eundem cum lymphaticis exhibeant, quod tacitè forsitan concedere cogitur Cl. Bartholinus, dum scribit in jejunis & longè post pastum apparere vasa lymphatica feliciter, quàm alio tempore, & vasa ipsa lactea jam chylum jam serum continere: quò etiam trahere possumus Kohlhansii observationem, quam thesi 59. vacuo ventriculo, nullo nempe præsentè chylo notavit satis pulchrè & eruditè ad Doctiss. Dn. Israelis manuductionem.

Altius vero quo ad usum hi Artis nostræ Heroes gradiuntur, atque lympham hanc pro menstruo habent Alcahest Microcosmico. Magis seriò ultimus hac tempestate quod sciam hac de re agit D. Schenkius Jenensis in historia feri sanguinis.



# Observatio Anatomica

## IX.

**P**Ræcedentibus annis, 4. Augusti Illustrissimus quidam Comes, magna & præclara spei Juvenis, variolis correptus ob febris & Dysenteriae vehementiam septimo die morbi mortuus est.

Dissecto jecur, lien, pulmones & intestina haut secus, atque ipsa cutis sordidissimis papulis manantibus scatebant, uti in aliis idem Fernelius notarunt atque Pareus: Unde forsitan factum, quod in extis Gloriosissimi Romanorum Regis talia quidam notantes, dixerint gravissimis affectibus obnoxium fuisse optimum Regem, quos propter ad senium non aspirasset.

Si ullius autem morbi signa, maximè variolarum & Morbillorum signa dubia omnino sunt & fallacia, ut inter alios bene inculcat Fracastorius, cum non facilè dignoscantur adesse, priusquam pustulæ ipsæ malum prodant. Quamquam etiam à variolis interna viscera non raro ita afficiantur, tamen apud Athleticum & Sanguineum in visceribus dictis fomes sæpe continetur, vitæ brevis, non supervenientibus variolis, index: unde fit, ut interna à variolarum virulentia tum facilius tam foedè corripiantur.

Alvi fluxus sanguineus aliàs per se lethalis esse solet in Variolis, adeo ut Riverius confiteatur ex omnibus pueris variolis laborantibus unicum evasisse: atque Pachetus tensionem & meteorismum ventris signum mortis habeat. Non hoc possum profiteri, cum multos liberatos recorder, non tamen sine magna difficultate, uti in filio meo natu majori expertus sum.

Cum autem alvi fluxus & meteorismi tam sint lethales & periculosi, proinde in cura variolarum & morbillorum caute agendum cum purgantibus, ne naturæ motus mutetur, alvi fluxus funestus excite-  
tur. Melius & tutius me iudice faciunt, qui in principio variolarum ab electivè purgantibus abstinere, & clysteres exhibent, atque Præsente indicatione sanguinem mittunt, ut sanguinis



guinis ebullitione ita sublata, natura feliciter expellere heterogenea possit.

Sed & non raro purgantia adhibenda esse in Variolarum cura ratio & experientia suadent, si enim manifesta repletio sit extra vasa, atque potissimum quidem in regione prima, sine fluxu alvi, nec medicamenta calidiora aut acriora exhibentur, ipsaque constitutio non adeo epidemica, pestilens aut lethalis & funesta sit: non sine ratione tale datur pharmacum; quam ob causam Ranchinus etiam lactantes non raro purgandos statuit.

Plethoræ dum mentionem facio, non possum non detestari opinionem illorum, qui omnem tam ad vasa, quam ad vires negant, atque Venæsectionem penitus damnant. *Helmontius* Nobilissimus passim hoc inculcat, & post hunc aliquo modo *Insignis & Clarissimus Cnöselius* incurat. febris malign. contra *Corradeum*. Habet vero plures hæc tempestas Corradeos tales Medicos, mendicos totos, nisi strenue purgarent sanguinemque mitterent.

Videas sæpe audaculum medicastrum, qui homini etiam quoad vires & annos seni, emaciato in media bruma, citra ullam indicationem dare cathartica, quæ ἀνὰ καὶ νύκτα crudeliter purgent; altero die largiter sanguinem furari, ad Junoniæ avis cantum non erubescant, Verè δὲ χεῖρας tunc ἐν κακῇ κακῶν.

Dolendum sanè tam nobilem artem scèdari ejusmodi excrementiis myrmillonibus & histrionibus, verendumque ne tota abeat iterum in periculosam & truculentam Empyricam, cum non tantum vulgus & plebs, sed & Magnates sæpe illis impostoribus aures præbeant, imò illos in arte peritis & solide doctis quandoque anteponant. Deus Bone! quam audacter & impunè illi medicastri occidunt! Non tamen rejicienda in totum purgantia, nec damnanda penitus Venæsectionis, sed intempestiva & inconvenientia.

Quam generosum enim remedium sit sanguinem mittere in febribus & inflammationibus, atque variolis notorium est. Imò si Medicus naturæ minister, & natura ipsa non raro sanguinis imminutionem instituit, cur non, si necessitas id efflagitet, naturam imiteretur & venæ incisionem suadeat, doctus & peritus Medicus? Cum grano itaque salis sumenda sunt, quæ de Venæsectione & Purgatione proponit

Eximius



Eximius Dn. Cnöffelius, qui nec ipse omnia purgantia damnat, nisi fallat epistola Arcissevii pag. 59. Sic quoque quoad sanguinis missionem debitam non dissentit, uti digito monstravi in mea ad Medicinam manu ductione, potius tacite consentit in eam, cum abusus non tollatulum, ab ipsa Magistra Natura seriò & providè inculcatum.

Plethoram enim ad vasa ab ebullitione sanguinis convenientem, Venæsectio, si nihil obstet, feliciter sistet, acquisito nempe spacio. Ita quoque, serum si causa sit fermentationis, Venæ incisio non poterit non prodesse, ut nempe una cum sanguine turgente & calorem suffocante, evacuetur. Macilentos vero excusat calor copiosus pabulum absumens. Unum quoque idemque vas esse potest pro humore debito & naturali, atque p. n. & abundante. Abusum Venæsectionis meritiò detestari debet Medicus doctus, usum vero magnifacere, sæpe enim fermentum sanguinis non potest præcaveri, aut postmodum tolli, nisi ebullitio sanguinis sistatur & Venæsectio instituatur; unde in febribus malignis, variolis, morbillis, non quidem ratione malignitatis, sed ob febrem & sanguinis vehementem ebullitionem non raro cum successu sanguis mittitur, ipsa sæpe naturâ viam monstrante. Nec illi qui penitus damnant V. S. longè vivaciore sunt nobis Meridionalibus V. S. assuetis. Quæ omnia tamen sumenda & intelligenda sunt de V. S. secundum rationem instituta & convenienti. Annon pronuper ab inconvenienti & sæpius repetita crudeli sanguinis depravatione Serenissimum Cardinalem obiisse refert Helmontius, & evincit Plempius? Idem fatum incumbet aliis, si maiorem fidem habere pergant agyrtis sanguis & argenti fugis, quam cordatis & in arte solidè versatis Archiatris. Sed ad rem nostram.

In variolis sanguinis evacuationem necessariam probat ratio & experientia, tam ob humorum in venis abundantiam deplendam, ut natura exonerata impuritatis colluvie (loquor verbis Bauhini) alacrius expellat reliquias: quam ob febris ardorem atque humorum fervorem & ebullitionem sistendam, temperandam, tollendam: ratione simul habitâ ætatis, temporis, loci, quantitatis & regionis, ipsiusque veneni; ut pulchrè exponit citatus antea Ranchinus & alii.

Hinc probè notandum, si natura ipsa quandoq; neglectum medicinarium illicidio motu critico in Variolis compenset, quod non statim &



etiam & temerè ille fluxus sistendus. Vocatum Teretulit mihi D. D. Pabst, Archiater Dresdensis, Medicus verè πολυμαθής, aliquando ad Nobilissimam puellam variolis correptam cum narium hæmorrhagia critica. Ibi Matrem & adstantes seriò urssisse fluxus illius sublationem.

Imò tandem contra ipsius præceptum adhibito magico remedio, frustulo nempe panis cui cum sanguine inscriptum erat *Consummatum est*, inhibitus fuisse, pro armis medicis cum Biarmis veneficiis ita assumptis. Ast quid fit? Cesante illa hæmorrhagia secuti cruenti alvi fluxus, vomitus, mors.

De variolis unum adhuc notandum nimio æstu ægros non semper torquendos esse, ne calor febrilis augeatur, vires deiciantur, & ipse ægrotans suffocetur: Præsertim si magnam caliditas (loquor verbis Domini Doctoris Suevi Electoris Saxoniz Personæ Medici Primarii diss. de Variolis) & valida inflammatio adsit, nec ulla post variolarum vel morbillorum eruptionem sentiatur sublevatio, atque virium exsolutio, atque syncope imminere videatur.

Non possum hic mihi temperare, quin è plurimis duo exempla notatu digna allegem, quorum unum hic, alterum Ratisponæ in nuperis Comitibus, contigit.

Missum erat lectissimum Illustrissimorum juvenum par ex Polonia Viennam, non tam studiorum, quam rituum & morum Germanorum, exercitiorumque equestrium addiscendorum causa. Viennâ Præfectus Ratisponam duxerat ipso ardente Syrio, ubi paulo post adventum natu major variolas accipit, à quibus calidoque ad Itali cujusdam Medicastrum rigida monita hypocausto, brevi moritur. Singulis horis data sunt pretiola alexiteria sudavitq; vehementer, donec animam ipsam emitteret; Sæpe medicus parum doctus multum vero sedulus quam officiosissime occidere potest. Natu minor eodem morbo paulo post corripitur, atq; Dn. D. V. Vechtleri Medici Cæsarei Cl. Clarissimi que Dn. D. Helvigii, meaq; curæ cōmittitur. Nos tam vehementi æstu ægrū non torquendo, alterantib<sup>9</sup>q; febris furorē mitigando sanguinis ebullitionem sistendo,

(D)

simulque



simulque adhibitis bezoarticis non adeo calidis, brevi, Dei ope convalescantem v. dimus.

Hic vero Nobilissimæ Viduæ cum quatuor liberi semel correpti variolis essent, gemelli quidem pueri, filiaque natu major meæ curæ committerentur, altera vero filia certas ob causas alterius ope uteretur: meis sub initium dedi haustum vini passulati à Parente descripti, alterantia post & bezoartica, quibus Dei ope brevi convaluerunt. Quid vero de altera factum? Illa non nisi alexiteriis usa, lectis semper curiose tecta, largis sudoribus enervata, inflammatione & febris ardore auctis, ebullitione sanguinis ingravescente brevi, uti prædixeram, mortua est.

## Observatio Anatomica

### X.

**S**ole Cancrum tenente in ipso Plenilunio nascitur Puellus eufarcus, & coloris per universum corpus subrubri, partu autem difficili præcedente.

In Parentibus satis bene valentibus prædominatur plethora, temperiesq; calida & humida, maxime in matre, nondum vicenos annos nata. Pater annorum tum 24. hæreditario vitio, hypochondriorum malis insuper non semel tentatus autem fuit. Recens autem nato puello ante mammæ exhibitionem, ut sordes retentæ abstergerentur, diamygdalum datum fuit ex ol. amygd. d. & sacharo penid. succedente sic feliciter nigræ & piceæ materiæ excretionem. Habuit hinc bene & pancreaticè floridus puellus, nutricem nactus boni corporis habitus, ætatis vegetæ, mammarumque non adeo laxarum aut pendularum, sed bene conformatarum; Nec gulosam primiparam etiam. Lac ipsum quidem non adeo recens, sed ultra 20. menses aberat à partu, bonum tamen substantiæ, coloris, saporis, odoris ratione. Cum autem quotidie puello bis daretur pulmentum ex lacte, farina & ovo, atque in pulmento aliquid pulveris ex rad. & sem. pœon. cum

Croco



Croco & Sacharo, post pulmentum vero aliquid cœrevisiæ instillaretur, & quotidie post pulmentum balneum aquæ dulcis adhiberetur: die verò decimo nativitatis nutrix & astantes conquererentur de Puelli ventris inflatione, alvi obstructione, cordis palpitationibus, crebris anhelationibus tumoreque sinistri hypochondrii: dedi iterum felici cum successu diamygdalum, & suasi, ut quotidie aliquid exhibeatur pulveris Marchionis aucto pondere Margaritarum sine croco; ut pulmentis non addantur ova; ut præbeantur semel in die, & in minori quantitate, quod lactis boni copia adsit & excrementa alvi sint viscida & viridia; ut butyrum recens cum pulmentis detur: ut balneum intermittatur; utque post pulmentum à cœrevisiâ imò omni liquore per horam abstinenceatur. Mense Augusto melius habuit præterquam quod excrementa nunquam naturalia, semper viridia, tenacia & viscida rejecta fuerint, venterque inflatus manserit; atque circa æquinoctium nephriticos dolores pateretur, cum excretionem arenularum. Sole vero Capricornum ingressu, diarrhœa non levis virium dejectionem & atrophiam causabatur, cui (in consilium adhibitis D. D. Petro de Spina, D. D. Metzgero, Collegâ Honoratiss. & aliis Medicis Clarissimis) obviamivi Syrupu ros. solut. & diasereos causâ removendæ gratiâ, & corroborantibus. Dejectiones erant viscidæ, nigræ, virides. Lien durus. Venter inflatus & hypochondria tensa. Usurpatis his mediis malum videbatur inducias dare usque ad mensem, uti ad me peregrinè profectum scriptum est, Februarium, quo denuo venter magis magisque intumescibat, lienis tumor crescebat atque flatus augebantur. Data sunt enemata ex Juris Gall. ℥iv. cum fl. camom. coct. & colat. cum sach. rubr. ℥ij. & ol. amygd. dulc. ℥iij. Internè verò Manna, Syr. ros. solut. diafer. Usurpata sunt quoque externè linimenta varia & inunctiones. Post enemata tumor ventris auctus est, non obstante, quod dejecta fuerit magna copia peccantis materiæ. Quo ad diætam quantitate & qualitate eâ fuit emendata, ita quidem ut pulmenta data fuerint in minori quantitate & loco lactis decoctum gall. & carnis bubul. in pulmentis sit, bono cum successu, adhibitum. In Aprili autem me adhuc absente, non tantum tumor abdominis indies auctus est, sed & cachexia totius atque inflatio pedum, manuum & faciei non leviter apparuit, quibus malis averruncandis adhibita varia



sed frustra, & adeo quidem, ut Ascites ingens cum Tympanitide, me-  
judice, optimum puellum occuparet.

Ad lares itaque relatus dedi 2. Maij Syr. de carth. & Syr.  
ros. solut. & felici quidem, uti apparebat, cum successu,  
cum sexies alvum dejecerit, atque multum serosæ materiæ  
excreverit. Nox tamen secuta inquieta & calor præter natu-  
ram auctus. Quinto melius habuit, atque Decimo iterum  
sumsit Syrupum laxativum, non intermissis roborantibus &  
aliis necessariis tam externis quam internis. Excreta per al-  
vum & vesicam magna quidem copia aquæ, tumore tamen  
ventris & atrophia cum succedente pectoris angustia incremen-  
tum majus indies sumentibus: ut omnino pro desperato mor-  
bus habitus fuerit. Nullas tamen ferias egimus, sed quan-  
tum ætas & vires flagitarunt, cottidiè pulsioni succurrimus, fru-  
strà tamen & præter successum, cum vigesimo primo Junij na-  
turæ debitum tandem solverit. In examine autem viscerum de-  
functi hujus puelli per sectionem instituto, sequentia notata sunt;  
Primò quidem Cutis circa regionem Ventriculi, Umbilici & Ingui-  
num maculis atropurpureis instar ecchymomatum picta erat. Ex  
abdomine per sectionem Umbilici leviter factam, humores serosi,  
biliosi, lutescentes, & fœcidi, instar aquæ per canaliculum ductæ,  
ad tres mensuras prosiliebant. Quibus subductis, & aperto  
abdomine Omentum penitus putrefactum notabatur; Inte-  
stina cum Ventriculo aliquo modo inflata; Pancreas verò  
ita consumptum, ut ejus nullum ferè vestigium animadvertere  
liceret. Venæ Mesaraicæ glutinosa materia refertæ. Lien  
monstrosè tribus appendicibus instructus, nigri coloris, &  
induratus, sinistroque Reni arctissimè annatus, ut sine se-  
ctione digitis avelli non posset. Renes ipsi satis grandes. He-  
par sanguineo colore suo amisso, cineritium ferè, & qualis  
in cocto aliàs observatur, habebat, incisumque copiosum et-  
iam serum, & copiosius quam Lien, stillabat. In Hepate au-  
tem & Liene foveæ aquâ plenæ apparebant. Bilis in vesicula au-  
reo colore coruscabat.



Pericardium aquâ, ejusdem cum supra dicta coloris & fectoris, distentum erat, cui Cor innatabat. Ipsum autem Cor planè exsuccum ne guttulam quidem sanguinis intra se continebat, quod in aliis etiam visceribus observabatur. Nullibi enim sanguis notari poterat, etiam in Venæ Cavæ & Arteriæ Magnæ incisione, sed tantum aqua, loturæ carnis non abfimilis. Pulmones flaccidi & ex parte unâ purulenti erant.

Prædixeram non semel talem catastrophem: verebarque ne anguis in herba latitaret. Non defuerunt quidem promissis divites, qui Parentibus levem morbum, facilemque curationem facerent, quod puellus nunquam non cibum avide assumeret & satis hilarem ac liberalem se astantibus exhiberet. Ego tamen, non in primæ concoctionis læsione malum incuneatum,prehendens, non potui non à prima invasione morbum fonticum & in tantilla ætate curatu difficilimum profiteri.

Faultis quidem natus erat sideribus; crebræ tamen anhelationes, ventris tumor, phlogoses, dejectiones alvi adeo præternaturales, lienisque tumor, à prima nativitate indies magis magisque affligentes, color faciei certus in sanguificatione defectum monstrabant. Clysteribus hæc mala facile averruncari posse, suadebant & jurabant nonnulli. Alii canè pejus & angue fugiendas esse injectiones clamabant, quod visceribus laborantibus suppetias nullas ferre possint. Hic immorari parum, & cui potissimum parti subscribendum sit, ex natura & usu clysterum cum morbi idea collatis, penitus inquirere placet. Clysteres, ut in Arte tyronibus constat, medicamenti genus πολύχρηστον est, quod in extremis sæpe morbis delicatulis etiam & ad alia nauseabundis expetitas suppetias spondet, quoque unico, cæteris vel generosissimis in cassum adhibitis, ægrum tantum non extinctum erigimus sæpè & velut ab inferis revocamus. Ut vel hoc nomine illorum intempestiva, ne quid gravius dicam, verecundia, scutica digna sit, qua ad nomen etiam clysteris expallescent, & hujus mentione factâ, de vita jam actum & conclamatum esse clamitant.

Generosus quidem Helmontius clysteres in jus vocat, diffamat & præter meritum è Medentum schola relegare tentat, tanquam pudendum Medicorum subsidium, remedium homine indignum, intestinis infensum, omnibus exosum & inefficax. Ast æquius de his sentiebat



prisca ætas, majoremque ut merentur, honorem iisdem deferebant olim non modo Ægyptii, sed & Græci atque Arabes, quos Hispani, Galli, Itali, Germani sequuntur. Antiquissimus Medicorum Parens Hippocrates in epidem. ubi longum catalogum ægrotantium enumerat, clysterum & suppositoriorum mentionem facit frequentem. Ægyptiis, Herodoto teste, clysterum usus menstruus erat *μεροφυλάξεως ἐνενκα*. Civium suorum ore Mercatus ad omnes morbos extollit clysteres.

Subscribunt Rondeletius, Mercurialis, Primi Rosius, & qui non? Experientia enim nolentibus volentibus confessionem extorquet. Non tamen occupant universalis Medicinæ titulum, non enim perpetuo & omnibus malis, omnive tempore medentur.

*Temporibus Medicina valet: data tempore profunt,*

*Et data non apto tempore, vina nocent.*

ob quam causam intempestivum clysterum usum exprobrant Tulpius, Heer, Riverius & alii.

Suos itaq; clysteres limites habent & usus particularibus affectibus determinatos, ac præcipuè quidē intestinis infunduntur, ut horum infirmitatibus primariò succurrant, intemperies emendent, segniorem alvum officii sui admoneant, vitiosamque ventris primarumque viarum saburram ē corporis culina ēverrant: quo potissimum nomine veteribus in usum Medicum venere, utebanturque hi solā mulsā cum oleo ad alvum emolliendam ut ex Hipp. & Galeno constat. Et hic usus satis notus est.

Majori difficultate premitur alter, an vicinas etiam partes afficiant, iisque in subsidium veniant? Contra negantem quotidiana praxis militat, quæ talibus in casibus ad sacram hanc anchoram securè confugit. Ita in renum & vesicæ calculo clysteribus quid est laudatius? quid ad dolores placandos præsentius? Ita in hystericis affectibus materiam peccantem feliciter educunt, & uterum facilè corrigunt. Nec sine ratione hoc fit. Quod si enim malè affectis intestinis, uterus, renes, vesica in contagium trahuntur, adeoq; propter vicinum malum & ipsa aliquid mali experiri cogantur, quod præter experientiam expressè docet Hippocr. 5. aphor. 58. 7. aphor. 27. quidni iisdem suavi medicamento virtute delibatis in suavem etiam consensum vocentur. Porro  
sicut



sicut externa fomenta, linimenta, emplastra in interiorum viscerum obstructionibus eximendis, tetrīs flatibus discutiendis, ipsarum partium dyscrasiis emendandis palmam non raro merentur: ita clysteres intestinis insinuata, non solum grato tempore suo vicinis partibus blandiuntur, opitulantur, & robur sæpe afflant; sed ad ipsam affectam partem penetrant; non quidem per occulta illa veterum perspiracula, huc enim confugere opus non est, ubi viæ manifestæ patent; nec longiori recepto tamen hætenus per hepar & cor itinere, vix enim has per ambages virium jactura caveri potest; sed per lacteos ductus brevissimâ ex intestinis viâ jam ad renes, jam ad uterum, certis ad hunc à natura fabrefactis ductibus vix assumpta transire possint. Ad uterum quidem adhuc ignorantur, nisi cum Clarissimo Harvejo arterias uterinas allegare placeat. Quicquid sit, aut non sunt negandi, aut portatis digna alia monstranda est, cujus ope medicamenta hysteriis aut in partu laborantibus vix infusa utero statim communicantur, viribus, colore, substantia integra. Hærebit, aliam qui quæret, scio. Crocum exhibuere Heurnius & Heer: & utraque mater foetum enixâ croco tinctum penitus, & altera quidem ab exhibitione dimidia quadrante citius. Bertrandus Rozius apud Salern. c. 129. cum semine vim & virtutem pharmaci transfudit in uxorem. Idem recordor Nobili cuidam mihi amicissimo Aureliæ in Gallia contigisse, qui scorto post horam jusculum ferenti inter meretricios amplexus per coitum assumpti pharmaci efficaciam insinuavit; ut *ἀνω γὰρ καίτω* vehementer decies purgaretur. Anne & hic accusandi prædicti ductus? Sed ad rem!

Id de clysteribus exponendum, quomodo iis in longè remotiora viscera jus concessum sit, ut nempe pleuritici, epileptici, apoplectici, paralytici suppetias ferant; circa quam rem Autores hæsitare videntur. Galeno tamen teste, & ratione ipsa id inculcante, quicquid agunt clysteres hoc in passu, id revellendo præstant.

Ex quibus dictis patet, primum usum, quoad demortuum Puelum, exiguum imo nullum esse potuisse, cum vitium primum non in ventriculo aut intestinis latuerit, nec alvus indiga fuerit, ut uno vel pluribus clysteribus quotidie stimularetur, cum suapte & sponte indies plus justo responderet.

Nec



Nec secundus etiam aut tertius scopus clysterum quotidianum usum & frequentem reiterationem indicabant. Etsi enim hypochondria & in his hospitantia viscera Lien, hepar malè affecta sæpè non exiguum à clysteribus levamen sentiant: hoc tamen non nisi in eorundem intemperiebus aut obstructionibus ratione causæ antecedentis sperandum est; at in habituali & nativa viscerum corruptione qualem signa manifestissimè præsagiebant, tantum abest, ut quid laude dignum præstent clysteres, quin potius malum exasperent, vires perpetuo & inani stimulo magis magisque prosteruant, inflationes augeant, & mortem forte ante diem accerfiant. Quod in præsentī casu evenisse jurarunt adstantes mulierculæ, quæ ad quemlibet clysterem injectum (qui tamen omnes præter unicum & primum quidem, statim ut injecti erant, per inferiorem gutturem, (ut amicus loquitur,) redierunt, abdomen sensibilibus in majorem molem intumuisse, respirandi difficultatem excrevisse, conquerebantur.

Sed revellere, inquis, materiam peccantem potuisse, adeoque maturo consilio in usum adductos fuisse. Ausculta ergo, quid valeant revellentia. Revellentium medicamentorum est, materiam non illaplasm, sed influentem & ad partem tendentem; non extravasa, sed in vasis fluctuantem; non à parte recipiente, sed mandante retrahere. Et hæc discere potuisses ex Sennerti Institutionibus, quæ in omnium etiam tyronum manibus sunt. Ut autem quæ in pectore hærent, ita facile per alvum evacuari non possunt, ita nec, quæ in abdomen effusa sunt; sed ex 7. aphor. 55. quibus hepar refertum aqua erumpit in omentum, his venter aqua repletur & moriuntur. Sicubi tamen interdum evacuatio talis quid levaminis affert, sive naturâ, sive arte fiat, salvis visceribus fiat, & juxta Hippocr. in εὐσπλαγχνοῖς: ἀτεὺσπλαγχνίαν semper negavi, mecumque abdominis à nativitate intumescencia, hypochondriorum præsertim sinistri inflatio, color faciei cereus, atque nimis crebræ anhelationes. Parum itaque & hac ratione spei in clysteribus positum fuit, licet vel vicies, ut quidam Thrasonicè satis loquebatur, paucos intra dies injecti fuissent: sed abdomine ob collectam aquam & flatus copiosos, rupturam jam minante æger tandem viribus exhaustis inter lusus & jocos adstantium animulam exhalavit.



Unde aquarum hæc colluvies in tenella hac ætate primam lcaturiginem sumferit, multos habuit follicitos. Ast illam facile invenit, qui internorum viscerum sive œconomix naturalis structuram & faciem examinat. Meo quidem iudicio collectionis hujus culpa, si non omnis certè potissima in Lienis à primo ortu vitiosam dispositionem redundat. Lien enim sanguinis partem melancholicam à Corde per Cœliacam recipit, innatâ vi fermentat & defœcat. Hoc ubi præstitit, sanguinem depuratum, quantum ad sui nutritionem requirit, apponit, & quod relinquitur sanguinis purioris mediante ramo splenico in portam & jecur, indeque per venarum anastomoses in cavam, tandemque in Cor reducit, ut Spiritu & calore denuo instructus, omnibusque excrementis exutus in aortam pro partium nutritione propellatur. Excrementa vero nunc ad mesaraicas, nunc ad hæmorrhoidas per alvum, nunc ad renes per urinam, nunc ad alias naturæ lege ordinatas vias promovet.

Quando vero Lien officio suo malè, ut in nostro casu, fungitur, humor ille à sanguine negligenter separatus, in corpore cummulatur & malorum lernam introducit. Et quidem in propria Lienis substantia restagnans obstructions parit, tumores, nec raro, partibus tenuioribus absumentis, scirrhum. Quod si insuper suo non contentus hospitio, per ramum splenicum una cum sanguine revertente ad hepar ruat, malum malo cumulat, hepatis crasin frangit, calorem debilitat, unde lienis tandem culpa & hepar vapulat, obstructionem & intemperiem vicini negligentia contrahit, suoque satis officio facere nequit circa sanguificationem, sive sanguinem ulterius non satis excoquendo, sive excrementa debito modo & mensura non separando: sive lympham vasis obstructis in venas cogente. Aquosus itaque, serosus, frigidus sanguis cuditur, cui ferendo cum hepar non sit, in cavitatem destillat vel viscus disrumpendo aut erodendo, vel per membranarum poros transudando. Ita extravasatus putrescit & fœtorem induit. Reliquus etiam sanguis aqua adulteratus in partium nutrimentum non omnis cedere potest: aquosus enim non nutrit, hinc quod boni restat sanguinis quotidie, imò momentaneè exugunt par-



res, eo gaudent, vigentque: at ubi bono jam absumo, crudus, aquosus succedit, cessat nutritio, partes decrescunt, contabescunt: hocque eò citius fit, quando lienteria se associat, & cibus crudus vix assumtus statim per alvum redditur, quæ præsentia agro contigisse vidimus, non solum ob retentricem debilem, sed & ob meseraicarum obstructionem, quæ vicinis lacteis compressis viam transituro chylo intercludebant: ubi tamen ipsas etiam lacteas ab omni obstructione non facile absolverim.

Aquæ foveæ in hepate & liene apparebant, in illo tamen copiosiores, forte quod à Liene expeditius & facilius serosus humor mediante rene annexo (uterque enim ren satis grandis ad ultimum vitæ usque halitum officium suum debite faciebat, urina quotidie ad votum fluente) subducebatur. Hepatis color pallidus, cineritius sanguinis defectum accusabat. Inflatio ventriculi & intestinorum cruditatem coctionis sequebantur. Pancreas ad putredinem natura facile, non potuit non corrumpi, putridæ paludi innatans ut & omentum. Pericardium aqua turgidum inventum, quod in dissectis phthisicorum corporibus non infrequens ad tres sæpe uncias. Nec ipsi pulmones satis sibi vigilare potuerunt, quin à transmissis acribus, foetidis humoribus labem & corruptionem tandem contraxerint: Sed in hac totius corporis anatomia pertractatione aqua pro sanguine, excrementum pro nutrimento surrogatum est, quod admirationem vix meretur. Corde autem exucco & sine sanguine existente, quæ vita superesse potuerit, mirata dignius est. Si conjecturæ locus est, crediderim postremis diebus Cor ex vaporibus partim à chylo, partim à medicamentis confortantibus, tum per lacteos ductus thoracicos, tum per peculiarem meatum œsophago implantatum communicatis, refectioem percepisse. Talis autem refectio cum perpetua esse non posset, æger tandem hic veluti lipothymia (qua durante morbo sæpe tentabatur) sine ulla graviore commotione, nutrimento partium subtracto, instar lampadis trepidantis, expiravit. Ita sentio de hoc casu, mecumq; idem D. Metzgerus, Collega & Parastata meus fidelissimus.

F I N I S.